

P. panamensis Schltr., nov. spec.

Epiphytica, erecta, c. 30 cm alta; rhizomate valde abbreviato; radicibus filiformibus, flexuosis, saepe paulo appplanatis; pseudobulbis e basi incrassata cylindraceo-lageniformibus, usque ad 2,5 cm altis, basi 7 mm, supra medium vix 3 mm diametientibus, foliis vulgo 3 obsessis; foliis erecto-patentibus vel suberectis, ligulatis vel lineari-ligulatis, subacutis, basin versus vulgo paulo angustatis, usque ad 12 cm longis, medio fere usque ad 1,5 cm latis; inflorescentiis erectis, paniculatis, satis dense multifloris, ramis vulgo suberectis, pedunculo paulo compresso, vaginis acutis altae et arcte amplectentibus omnino obtecto, folia aequante vel paulo excedente, panicula ipsa usque ad 12 cm longa, angusta; bracteis deltoideis, acuminatis, ovario fere duplo brevioribus; floribus in genere inter minores, inversis, glabris, flavis; sepalis ovatis, obtusis, 3-nerviis, 3 mm longis, lateralibus obliquis, basin versus margine anteriore dilatatis cum pede columnae mentum obtusum perbreve formantibus; petalis oblique ligulatis, obtusis, apicem versus paululo dilatatis, uninerviis, quam sepala paululo brevioribus; labello e basi late rotundata infra medium manifeste trilobo, sepalis subaequilongo, explanato inter apices loborum lateralium vix 3 mm lato, basi callo trilobulato, farinoso ornato, caeterum per totam mediam farinoso, lobis lateralibus oblique ovatis, obtusis, intermedio quadrato, antice retuso-truncato, lateribus leviter undulato, 1,75 mm longo et lato; columna perbrevis, pede brevi, vix 2 mm longo; ovario cum pedicello cylindraceo, glabro 2,5—3 mm longo.